



Broj: 02-11-2112/23-AP-9
Datum: 05.12.2023. godine

Na osnovu člana 25. i 70. i 72. stav 3. c) Zakona o javnim nabavkama („Službeni glasnik BiH“, broj: 39/14 i 59/22), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/22 i 6/23) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Asfaltiranje cesta u MZ Kovači“, Gradonačelnik Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2112/23-AP-8 od 14.11.2023. godine iz razloga što izabrani ponuđač „HAJDIĆ“ d.o.o. MAGLAJ, nije prihvatio ugovor o javnoj nabavci radova „Asfaltiranje cesta u MZ Kovači“.

Član 2.

Prihvata se preporuka Komisije za javne nabavke, te se Ugovor o javnoj nabavci radova „Asfaltiranje cesta u MZ Kovači“, dodjeljuje trećerangiranom ponuđaču GTPD „POROBIĆ“ d.o.o. ZAVIDOVIĆI, koji je dostavio ponudu broj: 26-10/23 od 26.10.2023. godine u postupku dodjele ugovora o javnoj nabavci radova Asfaltiranje cesta u MZ Kovači“, u kojoj je nakon e-aukcije ponuđena ukupna cijena od 8.700,00 KM bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane Tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-2112/23-AP-2 od 05.10.2023. godine pokrenut je postupak dodjele ugovora za javnu nabavku radova „Asfaltiranje cesta u MZ Kovači“, putem otvorenog postupka za koji je dana, 05.10.2023. godine upućeno Obavještenje broj 1374-1-3-187-3-153/23 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 26.10.2023. godine do 12,00 sati dostavljene su 3 (tri) ponude, i to ponude sljedećih ponuđača po prijemu prispjeća: 1. „HAJDIĆ“ d.o.o. MAGLAJ; 2. „GEO-PUT“ d.o.o. MAGLAJ; i 3. GTPD „POROBIĆ“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su pristigle ukupno 3 (tri) ponude, da su blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 03.11.2023. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon e-aukcije broj: 02-11-2112/23 od 06.11.2023. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„GEO-PUT“ d.o.o. MAGLAJ	6.291,00 KM
2.	„HAJDIĆ“ d.o.o. MAGLAJ	6.300,00 KM
3.	GTPD „POROBIĆ“ d.o.o. ZAVIDOVIĆI	8.700,00 KM

Ugovorni organ je dana, 14.11.2023. godine donio Odluku broj: 02-11-2112/23-AP-6 kojom je prihvaćena kao najpovoljnija ponuda ponuđača „GEO-PUT“ d.o.o. MAGLAJ. Izabrani ponuđač „GEO-PUT“ d.o.o. MAGLAJ, dostavio je Izjavu od 20.11.2023. godine koja je zaprimljena 22.11.2023. godine, u kojoj navodi da odustaje od radova, odnosno da zbog obimnosti posla ne može prihvatiti ugovor za javnu nabavku radova „Asfaltiranje cesta u MZ Kovači“. Nakon toga, dana, 22.11.2023. godine donesena je Odluka broj: 02-11-2112/23-AP-8 na osnovu koje drugorangirani ponuđač „HAJDIĆ“ d.o.o. MAGLAJ nije prihvatio ugovor, tako što nije dostavio dokumentaciju propisanu Tenderskom dokumentacijom.

Uvidom u Dopunu zapisnika o pregledu i ocjeni ponuda nakon završene e-aukcije, broj: 02-11-2112/23 od 06.11.2023. godine utvrđeno je da je ponuđač GTPD „POROBIĆ“ d.o.o. ZAVIDOVIĆI, trećerangirani na rang listi i slijedeći na rang listi prihvatljivih ponuda čija cijena ponude iznosi 8.700,00 KM bez uračunatog PDV-a.


Shodno članu 72. stav 3. tačka c) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača kada odbije potpisati ugovor, te je ugovor dodijeljen trećerangiranom ponuđaču GTPD „POROBIĆ“ d.o.o. ZAVIDOVIĆI.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradila: 
(Sanela Mulahasanović)

Kontrolisao: 
(Midhat Bajramović)

GRADONAČELNIK

doc. dr. Hašim Mušanović

